



DEMOKRAATIT  
DEMOKRATERNE

08. Maj 2017

UPA/FM 2017/133

Mala Høy Kúko

**Naalakkersuisut 2017-ip qiteqqunnerani nungusaataanngitsumik ivigartortitsinissaq pillugu misissuineramik aallartitsinissamut peqquneqarnissaannik Inatsisartut aalajangiiffigisassaattut siunnersuut. Misissuinermi neriniarfiusartut nersutaateqarnermut ullumikkut atorineqartartut eqqannguniittullu aallaavigineqassapput, kiisalu nungusaataanngitsumik atuineq innarlingikkaluarlugu neriniarfinni nerisaqarneq qanoq annertutigisoq attaneqarsinnaanersoq pillugu naliliineramik imaqassalluni.**

(Namminiilivinnermut, Pinnngortitamut, Avatangiisinut Nunalerinermullu Naalakkersuisoq)

ATASSUT-miit Demokraatit-nillu Naalakkersuisut siunnersuutaat imaattumik oqaaseqarfigissavarput.

ATASSUT-ip aamma Demokraatit pingaartippaat Kalaallit Nunatsinni namminiilivinnissatsinnut piareersarnissatsinnut nunatta nammineq tunniussinnaasai nersutaateqarniarnermi nunaminertat naatitsivigineqarsinnaasut misissuiffigineqarnissaannik periarfissarsiorsinnaanissamik ugartuijuarnissaq. Kalaallit Nunatsinni nersutit neqaatigut innuttaasunut pilersuisinnaanerput annertusarneqarnissaa ATASSUT-miit aamma Demokraatit-niit pingaartillugu periarfissanik ugartuijuarnissarput pingaartipparput.

Qangaaniilli nunatta neqissaqarniarnikkut assigiinngitsutigut pilersorneqarnerput nunat allat neqaataaninganiit pilersorneqartuurtuuvugut. Tamannami pinngitsoorneqarsinnaanngitsutut isumaqafigaarput ATASSUT-miit aamma Demokraatit-niit, nunattalu inissisimanera eqqarsaatigalugu, nunanimi allani neqissaqarniarnikkut tunisassiarisartagaasa ilai akikillutik piuminarsinnaasarmata.

ATASSUT-miit aamma Demokraatit-niillu isumaqarpugut uagut nammineq nersutaateqarnikkut uumasuuteqarsinnaanerput annertusassagutsigut suut nunatsinni naatitsivigineqarsinnaanerannik



DEMOKRAATIT  
DEMOKRATERNE

missoqqissaarneqartariaqartut tamaasa misissorneqarsinnaassasut. Soorunalimi aallaqqaammut aningaasanik tamanna naleqartussaassooq, soorlu Naalakkersuisut ukiuni pingasuni aningaasartuutissatut taggiussamikku taakkartuisut. Kisianni ungasissoq nammineq neqeqarniarnikkut pilersorsinnaanissarput isigissagutsigu akilersinnaanissaa ilimanaateqarsinnaassooq.

Soorunalimi ukiuni taamannanik suli nunat allat neqaataannik pilersorneqarnerput ingerlajuartussaassooq nunarsuarmioqataagattami.

Una siunnersuut akuerineqassappat ATASSUT-minngaaniit aamma Demokraatit-niit qilanaaraarput Naalakkersuisut suliarfik naammassillugu UPA 2020-mi saqqummiissinissat.

Taamanikkussamummi periarfissat inuutissarsiornerup nunami nersutaateqarnerup annertusisimassanerannik periarfissat tusarusunnassaqigamik.

Taamatut ATASSUT-miit aamma Demokraatit-niit oqaaseqarluta Naalakkersuisut siunnersuutaat tapersorsorlugu ataatsimiititalianut susassaqtunut aappassaaniinnginnerani peqqissaartumik oqallisigilluarneqarnissaanik kissaassivugut.

Qujanaq!